

中國方志叢書·華中地方·第八八五號

據

清·承霽修，社友棠、楊兆崧纂
清同治十年刊本

影印

江 西 省

新建縣志

(六)

成文出版社有限公司印行

新建縣志卷之四十四

人紀志 篤行

聖人首德行科孝順德也百行之原也君陳令德孝恭克施有政孔子亟稱之又曰行在孝經童者習之壯而老或不足于行也陶潛諸贊其可誦也已古之孝也實其人少後世之孝也名其人多將信之乎疑之乎孔子曰孝哉閔子騫人不問于其父母昆弟之言新建地一縣耳聞目見人若一家舊志載孝友者登已茲固其宗族鄉黨所稱者也噫其可信也已書之有他媿者附焉小雅曰惟桑與梓

必恭敬止教敬也大雅曰民之秉彝好是懿德教愛也

八本一案書志韓筆文序登曰茲因其宗族聚黨河解未
于審人不問于其父母兄弟之言誡教服一緇耳聞曰良
對世之教也各其人委深計之平缺之平非子曰教貼因
不取于行也爾無謂贊其何論也曰古之教也實其人少
風育短其于通解之文曰行也教也童稚皆之其而等短
聖人首德行採其訓誨也百行之類也其利今語幸恭京

人脈志

條家錄志卷之四十四

新建縣志卷之四十四

人紀 篤行

漢

程曾字秀升受業長安習嚴氏春秋積十餘年還家講授
曾稽顧奉等數百人常居門下著書百餘篇皆五經通
難又作孟子章句建初三年舉孝廉遷海西令卒於官

後漢書

省志

府志

按程曾見後漢書儒林傳所載止此數語人物志稱
其七歲喪母號泣不異成人祖母憐其毀瘠嚼肉食

之曾覺有味卽吐去云云不知出何書郡志所載亦

同省志原跋

按曾有海西雜著

徐允字季登樺之子篤行孝弟亦隱居不仕少遭父母喪
致毀嘔血躬耕稼穡倦則通經貧窶困乏執志彌固不
受惠于人太守華歆禮請相見固病不詣漢末寇賊縱
橫皆敬允禮行轉相約敕不犯其間

後漢書 省志

府志

六朝

滕曇恭五歲母楊氏患熱思食寒瓜土所不產曇恭慙訪
不能得銜悲哀切俄值一桑門曰我有兩瓜分一相遺
還以餉母舉室驚異尋訪桑門莫知所在及父母卒水
漿不入口者旬日感慟嘔血絕而復蘇冬不著繭絮蔬
食終身每至忌日哀不自持豫章內史王僧虔引爲功
曹辭不就王儉時隨僧虔在郡敬慕之號爲滕曾子天
監元年陸連奉使巡察風俗表言其狀

南史 省志

熊康之性至孝父被酒醉爲奴所殺康之終身不復嘗酒

顏氏家訓 省志

唐

李孝子

逸其名

所生母獲罪于父被出孝子年甫十一隨母

別居南昌縣傍凡二載母病思食肉家貧無直孝子遂

割股充膳鄉里以狀聞縣縣長不爲意復聞于州病創

數日卒或云霍王元軌之孽子也

省志

府志

沈季詮字子平少孤事母孝未嘗與人爭皆以爲怯季詮

曰吾怯乎爲人子者可遺憂於親乎貞觀中隨母渡江

暴風母溺水死季詮號呼投江中少頃持母背浮出水

上都督謝叔方具禮祭而葬之

唐書

省志

能究先世避地人間僦居建陽昭宗時充爲兵部尚書性
至孝時當亂離例無俸給父喪不能葬晝夜號泣天忽
雨錢王曰始畢葬事餘錢悉輸諸官人稱爲忠孝雨錢
公

福建志 省志

宋

李虛舟字公濟寅季子少篤學讀書以兄虛已蔭爲郊社
齋郎歷遷餘干縣令毀淫祠取材以爲聖廟率縣人之
秀者興于學蒙宗大姓斂手不敢犯法部使者奏乞移
官劇縣尋坐事免虛舟以兄老就第願朝夕從游灑掃

先人廬冢遂止不復言仕後晏元獻殊力爲強請乃除
太子洗馬虛舟事親孝遭父母喪廬墓六年然後已事
兄與其寡姊衣食藥物必躬親之官至尚書虞部郎中

年八十九卒

王荆公文集

按荆公集李氏神道碑寅以子貴贈吏部尚書遊豫
章樂其湖山曰吾必終于此尚書之子伯曰虛已尚
書工部侍郎以材能聞天下季爲虛舟楊志列寅于
流寓固宜其虛舟則直爲豫章人葬于夫人墓左曰
雷岡在桃花鄉新里故採錄之又省志郡縣志李寅

科名在虛已後疑別有一人非贈尚書之李寅也虛已亦不宜列江西科目中以官爲家載諸寓賢焉可羅孟郊其先南昌人五代間有官興寧者因家焉至宋景德中孟郊生生而穎異早喪父事母孝兒時牧牛長陂莊坐讀書有山人過奇之與語孟郊告以父喪貧未葬山人指示地遂從葬焉弱冠結廬羅嶺以學鄉子弟從之孟郊指授篤至邑始多學者善書札洗硯池水盡黑人稱之曰墨池天聖八年舉進士第三人累官諫議大夫翰林學士乞歸養母茆葦蕭然母冬月思膾孟郊解

衣入池取魚供母鄉人目其池爲曾子湖卒衆立祠祀

之
粵大記 省志 府志

京三郎建炎中金兵至洪州郡守以城降金人索丁壯三
千人給使負荷乃戶調一人以應伯仲兄弟皆有難色
三郎請行金使丁壯止城南未明擁騎猝至掩而殺之
三郎被傷墮水以救免比還生計且裕乃收親識之窮
乏者悉恤助之以子鏜貴封朝請衣服飲食一如平時
出入必徒步初鄉有賈人臨歿遺貲千緡慮其子不類
屬之三郎後賈人子果廢產輒推金予之又太落魄欲

赴水死三郎對之大慟出所寄千緡還之封識宛然其

子感泣改行及三郎喪持服如父

府志

楊志

按楊志載三郎出入必徒步忘其爲丞相父也三郎
見鏜爲丞相未知果有據否今削去與封朝請意義
方不顯悖

元

陽霖字伯雨早喪父事母至孝母嘗病熱更數醫弗能効
不冒飲藥曰惟得冰我疾乃可愈爾時天氣甚燠霖求
不得累日號哭于池上戛戛有聲拭淚視之乃冰斲也

亟取以奉母其疾果愈 元史 省志 府志 楊志

按陽霖林志作湯霖 省志原跋

譚堯舉生四歲父孟發母氏熊先後死于賊兵祖則賢同里人丁子午等遇賊兵又戰歿山下橋堯舉旣長痛祖父咸罹慘難刻木祀之歲時伏臘哭盡哀聞者咸爲悲泣亭前有碧桃復生靈雀來巢之異 楊志

按楊志遺堯舉祖父等名氏今搜考南州舊聞補入

明

崔琬字文美彥俊子性至孝父邁危疾刲股進之尋瘥又

爲母病請禱願以身代俄有石基墜案上視之士字也
後果益算十一年而終以學行薦授寧府典寶正旋致
仕生平寬慈謙退宗族貧者月給之米三斗不能嫁娶
則厚資焉行見餓人輒食之見暴尸輒瘞之一日偕巨
賈至養濟院人給一布衆叩謝琬指巨賈曰此巨賈之
惠也聞人有貧病無藥餌資者輒稱他名至其家佯墮
金錢去其爲德不求人知類若此有悟真詩百餘首

楊

志

劉子椿年十五補邑庠宏治乙未冬奉新華林寇發執子

椿及弟子模索其父母曰出爾親釋爾兄弟子椿罵曰
賊利吾財復求吾親吾親必不可得賊怒欲刃之弟子
模激切願死子椿曰弟幼無嗣義不可死賊不聽並遇
害閭里相傳悲痛焉少卿謝麟爲之傳

楊志

符鍾字伯聲爲諸生卽慨然慕聖賢之學以古禮爲必可
行丁內外艱苦宿喪次不踰禪不飲酒不隨俗浮屠音
樂舉嘉靖鄉試肄業南雍從湛若水遊除知道州值歲
荒飢殍載道卽發倉賑濟然後以聞全活無算適永明
徭賊越境爲寇諭以恩威悉解散卒于官所著有虛亭

語錄 湖廣志 省志 楊志

鍾文奎字應明其父夢新昌尹抱古黃香授母誥旦生文奎爲邑諸生事父嚴得其懽心逆濠嘗威劫之無憚色母病露禱願減齡以益母壽一夕夢神饋藥果得愈及母喪廬墓游王守仁門學有所得文成年譜載其力行師訓挺然不變而延同志問學至忘寢食無愧孝廉之

稱云 楊志

喻謙字六吉性至孝隨父致和之南畿受業于湯賓尹致和嗜學丙夜不休遂病疊謙每夜稽顙北辰求以身代

久之不應謀諸婦曰心血盡矣人言股可療親或需是
乎私禱于神持刀以割遂昏仆妹方寢夢一媼若大士
像告曰汝兄割股苦矣妹驚蹴嫂起起則湯已熟進之
父父飲訖爽然蠱漸消光祿少卿郭一鶚爲之立傳楊志
按達叔三子無謙名傳中隨父致和云云疑有誤
蕭士美僑居漢陽文壽山萬厯閒父沐病泄士美割股肉
和粥啖之而愈南州舊聞

按湖廣省志載士美江西人不詳何縣龍泉志載蕭
士美貢生未審卽此人否